

Promoziun da la lavur voluntara

La regenza respunda a la dumonda parlamentara da deputà Andreas Thöny (ps)

■ (mc) En ina dumonda parlamentara sa dumonda deputà Andreas Thöny tge chi d'ovria per che las vischnancas daventian pli consciantas da l'importan-za da la lavur sociala, sportiva e cultura-rala da la lavur voluntara e daventian pli activas sin quest sector. Sco la regenza constatescha è cumpari l'onn pas-à in mussavia che sa drizza a las grup-pas d'interess ed als acturs ils pli impurtants en il sector da lavur voluntara sin plaun local. Persunas voluntaras gidian a man-tennair ed a sviluppar vinavant l'ierta so-ciala e cultura sco er ad augmentar la qua-litad da viver en las vischnancas, constatescha la regenza. Ellas promovian plina-

vant l'integraziun e l'identificaziun cun la vischnanca e sajan savens in factur decisiv per in svilup duraivel dal vitg. Ellas garanteschian era prestaziuns socialas multifaras ed ina dimensiun ch'ils organs publics u statals na fissan mai en cas da cuntanscher.

Sco quai ch'il mussavia constateschia cun raschun èn bleras vischnancas fitg activas e sustegnan la lavur voluntara en blers regards. Mesiras da coordinaziun e da sensibilisaziun possian augmentar la conscienza davart la valor da la lavur vo-luntara, scriva la regenza. Il mussavia possia esser qua in bun agid. Ina mesira raschunaivla da promover l'engascha-

ment voluntar saja quella da tematisar la lavur voluntara en la politica, saja quai en programs da partida u da chaussas su-megliantas. En la convegna dal chantun cun l'instituziun Benevol sajan la promo-ziun e la reconuschientscha da lavur vo-luntara menziunadas explicitamain. Tenor quest contract da prestaziun vegnian era definidas las finamiras da coordina-ziun, furmaziun, consultaziun e cusse-gliaziun. Cun quai che Benevol ha surge-ni ina tala incumbensa èsi tenor la re-genza pauc convegnent che l'administra-ziun chantunala sviluppa senza novas ac-tivitads sin quest sector, scriva la regenza en sia resposta a la dumonda Thöny.



La lavur voluntara prestada cunzunt da las dunnas è d'eminenta impurtanza per la qualitad da viver da nos vitgs.